

Inatsisartut suleriaasianni § 37 naapertorlugu matumuuna Naalakkersuisunut apeqqutit imaattut saqqummiuppakka:

Apeqqutit:

- 1. Kilisaateeqqat Tasiilap nunaqarfiisalu eqqaani qassit sunillu misileraappat?**
- 2. Taakkulu suminngaanneerpat?**
- 3. Misileraanissaq qanga aallartippa, qaqugumullu killeqarpa?**
- 4. Misileraaffiit suminngaanniit sumut killeqarpat?**
- 5. Misileraasut pisatik sumut tuniniartarpaat? Qassillu tons-sit misileraanermi pisarineqarsinnaasutut tunniunneqarpat?**
- 6. Aalisariut tunitsivissaq Tasiilap eqqaanut pisoq kikkunnit pigineqarpa?**
- 7. Misileraasut kikkunnit nakkutigineqarpat?**
- 8. Qassutit kivisittakkat misileraanermi atorneqarnissaat akuersissutinut ilaatinneqaramik?**

(inatsisartuni ilaasortaq Laura Táunâjik, Siumut)

Tunggavilersuut:

August aallartinneraniit misileraajartorlutik tikerartut arlaliusut naammattoorneqarsimapput. Paasisallu aallaavigalugit aalisariutit arfinillit tikissimapput. Ila savalimmiuninngaanneersuupput. Misileraasut iluamik ingerlanerarneqarsimapput. Taakkuli misileraanermik ingerlataqarneragaagalu-arlutik pisaqartillutik peqartillugulu pisaqarfisik ningitsivigeqqittarsimavaat.

Innuttaasut nunaqavissut qanimut peqataatinneqanngillat. Qanittuanili najugallit isiginnaartussiaanartut kisiat inassisimasutut pineqarput. Suliffissaaleqineq annertoreeqisoq, tunitsivissaqanngereersorlu innuttaasut periarfissaannik arsaartorneqartutut misigitinneqarsimapput. Apeqquterpassuit innuttaasut akornanni annertusiartorput, paatsuunganerit toqqissisimannginnerillu pilersut ersarissumik akissuteqarfigineqartariaqarput..

Qassutit kivitittakkat atorneqarlutillu pineqarput. Tamanna ilisimaneqarpoq Kalaallit Nunatsinni inerteqqutaalernikuusoq. Misileraasulli nakkutigineqannginnerisa kingunerisaanik killeqanngitsumik iliuuseqarlutik misileraaneragaasut eqqunngitsuliorsinnaanerannik pasinartumik ingerlavoq.

Apeqquteqaatimma ullut suliffiusut qulit naatinnagit akineqareersimanissaat kissaatigaara.